



PLAN DE XESTIÓN INTEGRAL 2013

Reserva Mariña de Interese Pesqueiro

“Os Miñarzos”

INTRODUCCIÓN

1. OS DATOS XERAIS

1.1. Os obxectivos do Plan de Xestión

1.2. A elaboración, aprobación e modificación do plan de xestión

1.2.1. Elaboración, tramitación e aprobación

1.2.2. Modificación

1.3. A vixencia do Plan de Xestión

1.4. O órgano de xestión, seguimento e control

1.4.1. Composición

1.4.2. Funcións

1.5. A coordinación da reserva e as súas funcións

2. A ORDENACIÓN NA RESERVA MARIÑA DE INTERESE PESQUEIRO (Remip)

2.1. A descrición do espazo

2.1.1. Localización

2.1.2. Delimitación e zonificación

2.1.3. As reservas integrais

2.1.3.1. Limitacións de uso nas reservas integrais

2.1.4. Descrición e análise das zonas de pesca

2.1.5. Descrición e análise das zonas de marisqueo

2.2. A descrición das artes que se utilizan na Remip

2.3. As medidas de xestión

2.3.1. Pesqueira da nécora (*Necora puber*)

2.3.2. Pesqueira do camarón (*Palaemon serratus*)

2.3.3. Pesqueira da centola (*Maja squinado*)

2.3.4. Pesqueira do polbo (*Octopus vulgaris*)

2.3.5. Pesqueira do choco (*Sepia officinalis*)

2.3.6. Pesqueira da raia (*Raja spp*)

2.3.7. Peixes de rocha: sargo (*Diplodus sargus*, *Diplodus vulgaris*) e maragota/pinto (*Labrus bergylta*)

2.3.8. Peixes demersais: faneca (*Trisopterus luscus*), pescada (*Merluccius merluccius*), badexo (*Pollachius pollachius*)

2.3.9. Pesqueira do congro (*Conger conger*)

2.3.10. Pesqueira da sardiña (*Sardina pilchardus*)

2.3.11. Pesqueira do percebe (*Pollicipes pollicipes*)

2.3.12. Pesqueira do ourizo (*Paracentrotus lividus*)

2.3.13. Pesqueira do berberecho (*Cerastoderma edule*) e ameixa fina (*Ruditapes decussatus*)

2.3.14. Pesqueira do longueirón (*Ensis siliqua*)

2.3.15. Pesqueira da lapa (*Patella spp*)

2.3.16. Pesqueira da mexilla: semente de mexillón (*Mytilus galloprovincialis*)

2.3.17. Pesqueira dos poliquetos (*Lumbrinereis impatiens*, *Hediste diversicolor*,

Arenicola marina)

3. AS MEDIDAS DE CONTROL NA RESERVA

- 3.1. O control das entradas e saídas**
- 3.2. O control das descargas**
- 3.3. O protocolo do punto de control**

ANEXOS : RELACIÓN DE AUTORIZADOS (EMBARCACIÓNS, MARISCADORES, MERGULLADORES) POR RECURSOS

INTRODUCCIÓN

A reserva mariña de interese pesqueiro (en adiante Remip) “Os Miñarzos” é a primeira reserva mariña deseñada polos propios pescadores a través dunha proposta formulada pola comunidade de pescadores de Lira á administración pesqueira autonómica de Galicia. Este feito é indicativo da súa importancia no contexto dos modelos organizativos sustentables en ecoloxía humana. Nós, os pescadores, pensamos que esta particularidade é esencial, xa que o alto grao de implicación, consenso e colaboración dos pescadores nos proxectos de xestión minimiza os conflitos que xurden noutras áreas mariñas protexidas, facilitando a aceptación e o cumprimento das normas. Defendemos, polo tanto, os dereitos territoriais e de acceso aos caladoiros que historicamente a frota artesanal ven explotando dende hai moitos anos, así como un dereito básico como é a coxestión dos recursos mariños.

Este documento ven a ser, polo tanto, un reflexo do que dende a súa fundación en 1986, o Colectivo Internacional de Apoio ao Pescador Artesanal (CIAPA- ICSF), defende: “a pesca con base en comunidades de pequena escala representa a forma máis eficaz de lograr unha pesca caracterizada pola equidade social e económica e a sustentabilidade medioambiental, un obxectivo que non pode alcanzarse a menos que os pescadores se involucren de forma adecuada nun proceso de consulta e de participación activa nos mecanismos de toma de decisións”.

No 2008 a FAO organiza a Conferencia Mundial sobre a Pesca a Pequena Escala, na que máis de 100 delegados de 36 países, representantes da pesca artesanal, das comunidades indíxenas e das organizacións de apoio ao sector, subscribiron a Declaración de Bangkok sobre Pesca a Pequena Escala. Nela se afirma que os dereitos humanos das comunidades pesqueiras son indivisibles, e que o desenvolvemento dunhas pesqueiras artesanais e sustentables só pode acadarse mediante unha abordaxe integrada dos seus dereitos civís, sociais, económicos e culturais.

En marzo de 2009 o Comité de Pesca da FAO (COFI) abordou o tema da pesca artesanal, ou pesca a pequena escala, sobre a que se tomaron varias decisións: o establecemento dun programa de traballo dedicado á pesca a pequena escala, a inclusión dun capítulo especificamente consagrado ao tema no Código de Conduta sobre a Pesca Responsable da FAO, e a preparación dun Plan de Acción Internacional para a Pesca a Pequena Escala.

En abril de 2009 a Comisión Europea, a fin de elaborar o Libro Verde sobre a Pesca, brinda unha excelente oportunidade para que os pescadores a pequena escala e as comunidades pesqueiras artesanais da UE participen activamente na reforma da Política Pesqueira Común (PPC) presentando os seus puntos de vista.

O 28 de setembro de 2009 representantes da pesca artesanal da UE, de organizacións non gobernamentais, especialistas e investigadores reuníronse nun seminario para participar na elaboración da reforma da PPC da UE e a pesca a pequena escala declarando “o seu compromiso co uso sustentable dos recursos pesqueiros e medio ambientais así como un trato xusto e un recoñecemento adecuado para que este sector sexa viable, sustentable e con un futuro máis prometedor.”

Entre as conclusións dese seminario, nas que está a traballar o Colectivo Internacional de Apoio ao Pescador Artesanal, atópanse algúns dos obxectivos que se pretenden

acadar con este documento:

“1. Aplicar a cada sector pesqueiro un enfoque diferenciado de xestión que lle permita resolver os seus propios problemas de regulación; de xeito que se un sector necesita reducir a súa capacidade, os demais non se vexan obrigados a perder oportunidades de pesca, de emprego ou outros beneficios noutros sectores máis sustentables.

2. Aplicar o principio de subsidiariedade ao manexo da pesca artesanal, asegurando que os sistemas de xestión da información e de toma de decisións incorporen e se guíen polo coñecemento, a experiencia local e as prácticas recomendables baseadas na experiencia.

3. Dar valor aos coñecementos pesqueiros, ecolóxicos e oceanográficos locais e fomentar a colaboración e o intercambio de información entre pescadores e científicos, a fin de facilitar a toma de decisións informadas no ámbito pesqueiro.

4. Implantar plans de xestión e outras medidas de recuperación dos recursos, como as áreas mariñas protexidas de interese pesqueiro, tomando como punto de partida as boas prácticas xa establecidas, partindo das demandas dos pescadores ou mariscadoras locais de pequena escala e as súas comunidades, e garantindo a protección dos seus dereitos de acceso. Tales medidas deben deseñarse de xeito que sexa posible facerlles un seguimento dende o punto de vista biolóxico e social, para poder medir a súa eficacia socioeconómica e biolóxica no tempo.”

Dentro da clasificación da Unión Internacional para a Conservación da Natureza (UICN) a Remip-“Os Miñarzos” queda encadrada na Categoría VI: Área Protexida con Recursos Manexados. A cal, atendendo ás súas características e aos obxectivos que se perseguen coa súa designación, definiríase coma un “Área protexida xestionada principalmente para o uso sustentable dos ecosistemas naturais”. Área que contén predominantemente sistemas naturais non modificados, que é obxecto de actividades de manexo para garantir a protección e o mantemento da diversidade biolóxica a longo prazo, proporcionando ao mesmo tempo un fluxo sustentable de produtos naturais e servizos para satisfacer as necesidades da comunidade”.

Tras tres anos de traballo dos pescadores artesanais da comunidade pesqueira de Lira, a reserva mariña de interese pesqueiro Os Miñarzos tivo o seu reflexo normativo no Decreto 87/2007 do 12 de abril, polo que se crea a reserva mariña de interese pesqueiro “Os Miñarzos”, no que quedan definidos os elementos esenciais que van determinar o funcionamento da reserva, co obxecto de proporcionar unha ferramenta de xestión que asegure o uso sustentable dos recursos no entorno do ecosistema mariño, e cunha filosofía de participación do sector pesqueiro.

A ferramenta de xestión recóllese no Decreto 87/2007 do 12 de abril, modificado polo Decreto 240/2008 do 2 de outubro, no seu artigo 6º bis, no que se establece que o réxime de xestión da reserva se desenvolverá no marco dun Plan de Xestión que trate de forma conxunta e integrada todos os recursos mariños da zona delimitada pola Remip “Os Miñarzos”.

1. Entre las iniciativas destacables en este ámbito se encuentran las *Prud'hommes* (cofradías de pesca) del Mediterráneo francés, las *reservas de interese pesquero de Lira y Cedeira en el Noroeste español*, la *Reserva Marina de interese Pesquero de la Restinga – Mar de las Calmas*, el Parque Nacional Marítimo de Iroise en la costa occidental de Francia y el Acuerdo de Pesca de Bajura del Canal de la Mancha entre Francia, Bélgica y el Reino Unido, o el Acuerdo de Nasas de Devon (Sur de Inglaterra)

Toda actividade profesional, tanto pesqueira coma marisqueira, que se vaia desenvolver dentro da reserva mariña queda suxeita ás medidas adoptadas neste Plan de Xestión Integral, en concreto as mencionadas no Decreto 87/2007 do 12 de abril, modificado polo Decreto 240/2008 do 2 de outubro:

- a) a pesca marítima profesional coas artes e aparellos tradicionalmente usados na zona: anzois, nasas, artes de enmalle, gancho para centola; nas modalidades tradicionalmente autorizadas e de conformidade co establecido no Plan de Xestión Integral;
- b) a recollida de ourizos, navallas, poliquetos, anémonas, percebes, peneiras ou calquera outro recurso específico que se recolla no marco do Plan de Xestión Integral;
- c) o marisqueo a pé e a recollida de algas;
- d) a recollida de mexilla, que unicamente se poderá realizar mediante acordo entre as confrarías de pescadores do ámbito da reserva mariña e os concesionarios de bateas ou liñas de cultivo.

Para asegurar o cumprimento dos obxectivos establecidos no decreto de creación da reserva, constitúese un órgano colexiado para a xestión, seguimento e control (en adiante Oxesco). Na composición deste órgano vese representado o 50% por pescadores artesanais e o outro 50% por representantes da Administración, sen prexuízo de que nel participen, en función dos temas a tratar, outros actores que se poidan ver implicados na propia xestión da Remip (técnicos, seguimento científico, etc.).

1. OS DATOS XERAIS

1.1. Os obxectivos do Plan de Xestión

A través do Plan de Xestión, e dentro da Remip “Os Miñarzos”, perséguese os seguintes obxectivos:

- 1. Protexer e favorecer a rexeneración dos recursos pesqueiros.
- 2. Impulsar a pesca e o desenvolvemento sustentable.
- 3. Favorecer os estudos científicos sobre as medidas de protección dos recursos e xestión das pesqueiras.

1.2. A elaboración, aprobación e modificación do Plan de Xestión

1.2.1. Elaboración, tramitación e aprobación

1º. Este Plan de Xestión xurde dun documento-proposta inicial elaborada polos titulares de permisos que os habilitan para exercer a actividade pesqueira e

marisqueira incluídos no censo da Remip “Os Miñarzos” a través da Resolución do 3 de novembro de 2011 (DOG nº233, do 7 de decembro de 2011), para comentario público, e con base nas reunións mantidas cos distintos sectores produtivos cuxas actividades desenvolvéronse habitualmente no ámbito da reserva de “Os Miñarzos” durante 2011.

2º. A consulta do documento cos censados na reserva pode facerse a través de dous posibles mecanismos:

a) O documento de proposta do Plan de Xestión e enviado ás entidades asociativas para a consulta daqueles dos seus socios incluídos no censo da reserva;

b) mediante convocatoria de asembleas dos distintos sectores de produción, de todos os censados.

3º. A súa conformidade ou as posibles alegacións remítense a secretaría do Órgano de Xestión da Reserva xunto con copia da acta da reunión cos censados, nun prazo de 7 días naturais.

4º. O Oxesco remite informe á Secretaría Xeral do mar.

5º. A Secretaría Xeral do mar aproba o Plan de Xestión

6º. Unha vez aprobado, daráselle publicidade ao Plan para coñecemento dos usuarios e da cidadanía.

1.2.2 Modificación

Toda proposta de modificación do Plan deberá trasladarse ao Oxesco, cuxos membros, unha vez informados, poderán solicitar a convocatoria do órgano, se así o consideran, pola transcendencia da modificación proposta.

Así, como regra xeral:

1º. Remisión das propostas de modificación a secretaría da á Oxesco.

2º. A secretaría do Oxesco enviará as propostas aos diferentes membros do órgano.

3º. Os vogais do órgano remitirán a súa contestación á secretaría do Oxesco, que as fará chegar á Secretaría xeral do mar , para que se dite a resolución que corresponda, de ser o caso, ou se convoque ao órgano de xestión.

1.3. A vixencia do Plan de Xestión

O Plan de Xestión terá como vixencia anual dende o día **1 de xaneiro de 2013 ata o 31 de decembro de 2013.**

A súa **renovación anual** será discutida na convocatoria ordinaria do OXESCO que coincida co final do período de vixencia, podéndose prorrogar automaticamente, de ser o caso, ata a seguinte convocatoria do órgano.

1.4. O órgano de xestión, seguimento e control (Oxesco)

1.4.1. Composición

O Oxesco está adscrito á Secretaría Xeral do mar, e ten a súa sede no porto de Lira.

Está constituído por oito membros designados pola Conselleira competente en pesca:

- a) tres membros representando á Consellería competente en materia pesqueira
- b) un representante da Consellería de Medio Ambiente;
- c) catro membros en representación das entidades do sector pesqueiro, dos cales dous membros son propostos pola confraría de pescadores de Lira e outros dous propostos pola Federación Galega de Confrarías de Pescadores.

O Oxesco reunirase en réxime ordinario dúas veces ao ano, preferentemente en marzo e outubro, e cantas veces o propoña o seu presidente ou o soliciten dous dos seus membros.

1.4.2. Funcións

O Oxesco ten asignadas as funcións descritas no artigo 9º do Decreto 87/2007, do 12 de abril, modificado polo Decreto 240/2008, do 2 de outubro):

- a) a xestión da reserva mariña en todos os elementos previstos no Decreto 87/2007, do 12 de abril;
- b) o seguimento da evolución e estado da reserva mariña no cumprimento dos seus obxectivos pesqueiros e de conservación da flora e fauna mariñas;
- c) propoñerlle á Administración competente as limitacións á navegación e fondeo de embarcacións e outros artefactos no ámbito da reserva;
- d) informar da reserva mariña e dos seus resultados aos pescadores, mariscadores, sectores afectados e ao público en xeral.

Ademais, dentro das funcións enumeradas, realizará as seguintes actuacións específicas:

- a) supervisar e coordinar as actividades do persoal asignado á xestión, seguimento e control da reserva;

- b) emitir informe no procedemento de elaboración e actualización do censo de embarcacións autorizadas a faenar na reserva;
- c) informar o programa de seguimento científico da reserva con anterioridade á súa aprobación, e coordinar o seu desenvolvemento;
- d) propoñer a realización de actividades de formación, información e divulgación en relación coa reserva;
- e) aprobar o plan anual de actuacións;
- f) propoñer e/ou informar as propostas de modificación da normativa e condicións de uso dos espazos da reserva;
- g) elevar informes anuais sobre a situación da reserva e da súa evolución.

A confraría de pescadores de Lira deberá solicitar autorización para o desenvolvemento da actividade marisqueira á Secretaría Xeral do Mar. As solicitudes presentaranse cunha anticipación mínima de 15 días hábiles á data de inicio da actividade, agás para aqueles recursos para os que estea aprobado un plan de explotación incluído na orde do 28 de decembro de 2012 pola que se aproba o Plan Xeral de Explotación Marisqueira para o ano 2013.

2. A ORDENACIÓN NA Remip

2.1. A DESCRICIÓN DO ESPAZO

2.1.1. Localización

A Remip “Os Miñarzos” localízase dentro das augas interiores da Comunidade Autónoma de Galicia, no extremo meridional do seo de Corcubión, na provincia da Coruña.

É unha área de pesca aberta ao Océano Atlántico, salpicada por multitude de baixíos e pequenos illotes rochosos que lle confiren á zona unhas características topográficas e ecolóxicas moi específicas

2.1.2. Delimitación e zonificación

O Decreto 87/2007, do 12 de abril, modificado polo Decreto 240/2008, do 2 de outubro, recolle no seus artigos 3º e 4º os límites tanto da Remip coma das áreas declaradas reservas integrais (Fig. 1).

A Remip “Os Miñarzos” esténdese pola zona comprendida entre a liña que delimita por terra a zona marítimo-terrestre, dende punta Raposeiros ata a desembocadura do río Larada, e a poligonal recta definida polos puntos xeográficos seguintes (DATUM WGS-84), abrangendo un total de 2.074,2 ha (figura 1).

Referencias topónimicas	Latitude	Lonxitude
<i>Punta Larada</i>	42° 50,408' N	09° 06,359' W
<i>Cuberto</i>	42° 49,608' N	09° 09,535' W
<i>Miñarciño</i>	42° 48,608' N	09° 10,490' W
<i>Miñarzos</i>	42° 47,843' N	09° 10,640' W
<i>Cabezo Figueroa</i>	42° 47,072' N	09° 09,647' W
<i>Lombo da Campa</i>	42° 47,151' N	09° 07,872' W

Dentro do ámbito da reserva mariña delimitáanse dúas áreas de reserva integral, constituídas pola porción daquela comprendida entre a liña que delimita por terra a zona marítimo-terrestre e a poligonal recta que definen os puntos xeográficos seguintes (DATUM WGS-84):

A reserva integral norte, cun total de 78,8 ha:

Referencias toponímicas	Latitude	Lonxitude
<i>Os Carreiros</i>	42° 48,549' N	09° 07,104' W
<i>A Araña</i>	42° 49,244' N	09° 06,645' W
<i>Baixada do Vilar</i>	42° 49,230' N	09° 06,341' W

A reserva integral sur, cun total de 61,3 ha:

Referencias toponímicas	Latitude	Lonxitude
<i>Punta Angueiro</i>	42° 48,135' N	09° 08,973' W
<i>A Coca</i>	42° 48,398' N	09° 08,939' W
<i>Esquina campo de fútbol</i>	42° 48,191' N	09° 08,362' W

Establécense **dúas áreas nas que estará prohibida a pesca, a extracción de fauna e flora e a realización de actividades subacuáticas** durante a vixencia deste plan.

a) A primeira estaría delimitada pola liña imaxinaria que se forma entre Punta Angueiro e a Coca, na reserva integral sur, e as perpendiculares formadas entre esta liña imaxinaria e as puntas nordeste e sur da illa de Angueiro.

b) A segunda quedaría delimitada pola liña imaxinaria formada polo punto denominado Carreiros e a Araña, na reserva integral norte, e as perpendiculares que se forman entre esta liña a Marsiosa de terra e a punta suroeste da Illa dos Carreiros.




Fig. 1 : Limites da REMIP "Os Miñarzos"

O ámbito da confraría de pescadores de Lira exténdese por a liña de costa dende punta Larada ata punta Insua, polo que hai unha porción que queda fóra da zona delimitada como reserva mariña; concretamente, a comprendida entre Lombo da Campa e punta Insua. Para facilitar a ordenación dos recursos marisqueiros (percebe, ourizo, lapa, mexilla e poliquetos) o **ámbito deste Plan de Xestión será o seguinte: de punta Larada ata punta Insua.**

2.1.3. As reservas integrais

A designación das dúas zonas de reserva integral responde á existencia nelas de hábitats especialmente produtivos: dende fondos de area fina, sen outro tipo de substrato nin comunidade vexetal (reserva integral norte), ata fondos rochosos heteroxéneos con abundancia de comunidades algais (reserva integral sur).

2.1.3.1. Limitacións de uso nas reservas integrais.

Dentro das áreas de reserva integral queda prohibida a práctica da pesca marítima, a extracción de fauna e flora e a realización de actividades subacuáticas.

Exceptúanse aquelas actividades e toma de mostraxes destinadas a fins científicos ou para o seguimento da reserva, sempre coa autorización previa da Secretaria Xeral do mar, logo do informe do Oxesco (art. 6º do Decreto 87/2007, do 12 de abril, modificado polo Decreto 240/2008 do 2 de outubro).

2.1.4. Descrición e análise das zonas de pesca.

Os pescadores teñen un coñecemento moi detallado do mar no que traballan, tanto do medio físico como do comportamento das especies que capturan, é o que se denomina coñecemento ecolóxico local tradicional. Coa intención de seguir aproveitando este coñecemento, propúxose a delimitación de zonas de pesca no ámbito da reserva, quedando establecidas tres zonas (figura 2).

Con esta zonificación preténdese, por unha parte, facilitar o rexistro da actividade realizada na reserva, xa que os mariñeiros poden identificar perfectamente cada zona co seu topónimo e, por outra, vai permitir que se separen as capturas segundo as zonas establecidas e, deste xeito, coñecer se existen diferenzas de produción entre zonas, ou diferenzas na talla das especies.




Fig. 2 : zonas de pesca na REMIP "Os Miñarzos"

Zona 1: “*Por dentro*”, que inclúe a zona de por terra dos Forcados, por terra da Laxa dos Forcados, A Fos, Pedra Pás, Corniños, punta do muelle, punta Rebordelo, Mar de Lira, Sasebe, Corveiro e Caixido.

É unha zona abrigada, na que se traballa sobre todo en inverno, aínda que pode ser utilizada tamén o resto do ano, dependendo sobre todo do tamaño da embarcación. Nesta zona captúrase polbo, camarón e nécora, que soe ser máis abundante nas zonas preto da costa. Tamén conta con zonas moi propicias para a captura de lumbrigante.

Zona 2: “*Os baixos*”, que inclúe a zona de por fóra dos Forcados, Os Cubertos, Rama, Miñarciuño, As Olgas, Os Cachazos, Os Miñarzos, Libureiro, Angueiro e punta dos Remedios.

Zona formada por unha serie de baixos que son moi adecuados para captura do polbo. Nela predomina o ambiente rochoso alternando con zonas de limpo. En épocas de verán soe ser habitual que se largue o aparello máis preto dos baixos que en épocas invernaís.

Zona 3: “*A costa*”, inclúe O Seixo, Punta Cabalar, O Cabezo de Figueiroa, Ximprón, Ardeleiro e o Lombo da Campa.

Está formada por ambientes rochosos e areosos e é moi propicia para a captura de polbo e nécora, esta última é máis abundante nas zonas próximas á costa.

2.1.5. Descrición e análise das zonas de marisqueo (figura 3)

Zona A: da boca do río a Maceiras, praia da Lagoa e lagoa de Carrofeito.

Zona B: de Maceiras (sur da praia de Carnota) á esquina do campo de fútbol. (Nesta zona inclúese a **Praia de portocubelo**).

Zona C: da esquina do campo de fútbol á O Curro.

Zona D: do Curro ata punta Raposeiros (Lombo da Campa).

Zona E: baixos denominados Miñarzos, Seixo, Liboreiro, petón de Cabalar, pedra de Ardeleiro, punta de Prouso Rubio, laxiñas da Illa, As Roncadoras e Seixiño da Cruz.

Zona F: baixos denominados Coca, Corbeiro, Corniños, pedra Pas, laxa Mar de Lira, A Marsiosa, Mexilloeira, illa dos Carreiros e As Laxiñas.

Zona G: baixos denominados Forcados, petóns dos Forcados e illa de Angueiro.




Fig. 3 : zonas de marisqueo na REMIP "Os Miñarzos"

2.2. A DESCRICIÓN DAS ARTES QUE SE UTILIZAN NA Remip

Unha embarcación pode traballar cunha mesma arte ou aparello nunha mesma xornada no interior e no exterior da Remip. Para certas artes e especies as normas que se aplican no interior da reserva difiren coas do resto do territorio, en canto a número de aparellos e topes máximos permitidos.

Cando isto suceda establécese coma **norma xeral** que o cómputo total do número máximo de aparellos ou pezas, e das lonxitudes máximas totais dos aparellos e pezas caladas, e das cotas máximas de captura das especies permitidas e dos tamaños mínimos, tanto faenando dentro da Remip como fóra ao mesmo tempo, non superarán o máximo establecido no ámbito da REMIP.

Cómpre recordar a clasificación das embarcacións, segundo o arqueo, establecido no Decreto 15/2011, do 28 de xaneiro, polo que se regulan as artes, aparellos, útiles, equipos e técnicas permitidos para a extracción profesional dos recursos mariños vivos en augas de competencia da Comunidade Autónoma de Galicia.

- Tipo I: embarcacións menores de 1,50 TRB o 1,00 GT.

- *Tipo II: embarcacións entre 1,50 TRB ou 1,00 GT e 2,49 TRB ou 1,74 GT.*
- *Tipo III: embarcacións entre 2,50 TRB ou 1,75 GT e 4,99 TRB ou 4,24 GT.*
- *Tipo IV: embarcacións entre 5,00 TRB ou 4,25 GT e 7,49 TRB ou 7,49 GT.*
- *Tipo V: embarcacións entre 7,50 TRB ou 7,50 GT e 9,99 TRB ou 9,99 GT.*
- *Tipo VI: embarcacións entre 10,00 TRB ou 10,00 GT e 19,99 TRB ou 19,99 GT.*
- *Tipo VII: embarcacións de 20,00 TRB ou 20,00 GT, ou maiores.*

Nasa pechada

- Características: trampa de forma cilíndrica cunha lonxitude entre 400 e 500 mm, diámetro lateral entre 300 e 350 mm e unha boca de entrada cun diámetro interior entre 120 e 160 mm. Se o recubrimento da nasa é de material ríxido, o lado do cadrado dos ocos non será inferior a 10 mm; se o recubrimento é de rede, o tamaño mínimo de malla será de 16 mm. Cada nasa pode levar unha ou dúas bolsas para carnada.

Para a captura de polbo:

- Horario de uso da arte: de luns a venres de 07:00 a 17:00 horas, podendo quedar caladas diariamente.
Nas épocas de veda das especies cara ás cales se orienta a captura principal das nasas, estas deberán ser levantadas e transportadas á terra, e permanecer almacenadas nos lugares destinados a este fin.
- Descanso semanal: das 17:00 horas do venres a 07:00 horas do luns, podendo quedar caladas durante a fin de semana.
- Durante a época de veda das especies obxectivo desta arte ás nasas deberán ser levadas a porto e almacenadas.
- Número de nasas / embarcación:
 - *Tipo I e II* : 50 nasas por embarcación e 50 máis por tripulante, ata un máximo de 175 nasas
 - *Tipo III*: 100 nasas por embarcación e 50 máis por tripulante, ata un máximo de 300 nasas
 - *Tipo IV*: 150 nasas por embarcación e 50 máis por tripulante, ata un máximo de 500 nasas.
 - *Tipos V, VI e VII*: 250 nasas por embarcación e 50 máis por tripulante, ata un máximo de 500 nasas
- Impacto da arte sobre o medio: mínimo.
- Embarcacións: todas aquelas incluídas no censo da reserva que contén coa modalidade de “nasa polbo” no seu permiso.

Para a captura de nécora e camarón

- Horario de uso da arte: o lance será nocturno. A actividade desenvolverase dende dúas horas antes do ocaso do domingo ata dúas horas despois do orto do venres.
- Descanso semanal: dende dúas horas despois do orto do venres ata dúas horas antes do ocaso do domingo.
- Número de nasas / embarcación:
 - *Tipo I e II* : 50 nasas por embarcación e 50 máis por tripulante, ata un máximo de 150 nasas

- *Tipo III*: 100 nasas por embarcación e 50 máis por tripulante, ata un máximo de 250 nasas
- *Tipos IV, V, VI e VII*: 150 nasas por embarcación e 50 máis por tripulante, ata un máximo de 350 nasas
- Impacto da arte sobre o medio: mínimo.
- Embarcacións: todas aquelas incluídas no censo da reserva que contén coa modalidade de “nasa nécora” ou “nasa nécora e camarón” no seu permiso, ou ben que obteñan autorización para un cambio temporal para esta modalidade.

Nasa de centola

- Características: trampa de forma cilíndrica cunha lonxitude entre 50 e 55 cm, unha altura entre 400 e 450 mm e unha boca de entrada cun diámetro interior de 250 mm. A nasa é de armazón de varíñas de ferro, madeira ou aceiro, e sen envoltura de rede, a separación entre varíñas será de 55 mm. Cando estea recuberta de rede, a malla mínima será de 90 mm e cando este recuberta de outro material o lado do cadrado dos ocos non será inferior a 50 mm
- Período permitido para o uso desta arte (2013): Período autorizado para a pesqueira da centola.
- Horario de uso da arte: O horario de traballo será diúrno das 06:00 as 16:00 h. As nasas deberán retirarse do mar diariamente.
Nas épocas de veda da centola, estas deberán ser levantadas e transportadas á terra, e permanecer almacenadas nos lugares destinados a este fin.
- Descanso semanal: Das 16:00 do venres as 06:00 do luns. As nasas deberán ser levantadas e levadas a terra unha vez cumprido o horario de traballo do venres.
- Número de nasas por embarcación e por tripulante enrolado e a bordo:
As nasas serán largadas de forma que constitúan caceas. O conxunto delas por embarcación non excederá de 2.000 m. O número máximo é o que se indica a continuación:
 - *Tipo I e II* : 40 nasas por embarcación e 20 máis por tripulante, ata un máximo de 80 nasas
 - *Tipo III*: 40 nasas por embarcación e 20 máis por tripulante, ata un máximo de 100 nasas
 - *Tipo IV*: 40 nasas por embarcación e 20 máis por tripulante, ata un máximo de 120 nasas
 - *Tipos V, VI e VII*: 40 nasas por embarcación e 20 máis por tripulante, ata un máximo de 140 nasas.

Non obstante, e tendo en conta as dimensións de cada unha das nasas e a efectos de seguranza, o número de nasas por embarcación será adaptado ao número máximo posible transportable por esta, respectando todas as normas de seguranza establecidas na normativa vixente.

- Impacto da arte sobre o medio: non se observa.
- Embarcacións: todas aquelas incluídas no censo da reserva que contén coa modalidade de “nasa para centola” no seu permiso, ou ben que obteñan autorización para un cambio temporal para esta modalidade.
- A porcentaxe de pesca accidental con esta arte non poderá superar o 20 % en peso do total diario.

Miños

- Características: arte de enmalle formado por 3 panos de rede. As mallas dos panos exteriores serán de 500 mm e a do pano interior de 100 mm. Cada peza mide 50 m de longo e de 1, 8 a 3 m de alto.
- Horario de uso da arte: Cada 24 horas os miños deberán ser levantados do seu calado para recoller as capturas.
- Descanso semanal: deberá ser levantada e retirada do seu calado antes das 14:00 h. do venres, tendo que estar as embarcacións no porto antes das 15:00 h. As embarcacións poderán saír do porto a partir das 09:00 do domingo podendo ser calada a partir das 10:00 h., pero non poderá ser levantada antes do luns ás 06:00 h., debendo regresar as embarcacións a porto e permanecer nel durante ese período.
- Número de pezas por embarcación:
 - *Tipos I e II:* 30 pezas
 - *Tipo III:* 65 pezas
 - *Tipo IV, V, VI e VII:* 90 pezas.
- Impacto da arte sobre o medio: non se observa.
- Embarcacións: as incluídas no censo da reserva que contén coa modalidade de "miños" no seu permiso, ou ben que obteñan autorización para un cambio temporal para esta modalidade.

Vetas

- Características: arte de enmalle formado por un só pano de rede cunha malla mínima que non será inferior a 60 mm. Para a captura de linguado (*Solea spp.*) e pescada (*Merluccius merluccius*) a malla será como mínimo de 80 mm. Cada peza terá unhas dimensións de 50 m de longo e 3 m de alto, como máximo.
- Horario de uso da arte: diúrno, pode ser calada 2 horas antes do orto e levantarase 2 horas despois do ocaso, sendo levantada e transportada a porto diariamente na embarcación.
- Descanso semanal: Dende 2 horas despois do ocaso do venres ata 2 horas antes do orto do luns.
- Número de pezas por embarcación:
 - *Tipos I e II:* 30 pezas
 - *Tipo III :* 65 pezas
 - *Tipo IV, V, VI e VII:* 90 pezas
- Impacto da arte sobre o medio: non se observa.
- Embarcacións: todas aquelas incluídas no censo da reserva que contén coa modalidade de "vetas" no seu permiso, ou ben que obteñan autorización para un cambio temporal para esta modalidade.

Raeiras

- Características: arte de enmalle que está formada por un só pano de rede cunha malla de 280 mm. Cada peza ten unha lonxitude máxima de 50 m e unha altura máxima de 2 metros.
- Período permitido para o uso desta arte (2012): Período autorizado para a extracción de Centola
- Horario de uso da arte : o mesmo horario que o establecido para os miños.
- Descanso semanal: o mesmo que o establecido para os miños.

- Número de pezas por embarcación:
 - *Tipos I e II:* 30 pezas
 - *Tipo III :* 65 pezas
 - *Tipo IV, V, VI e VII:* 90 pezas
- Impacto da arte sobre o medio: non se observa.
- Embarcacións : todas aquelas incluídas no censo da reserva que contén coa arte de “raeirás” no seu permiso, ou ben que obteñan autorización para un cambio temporal de modalidade para esta arte.

Trasmallos

- Características: arte de enmalle formado por 3 panos de rede, os dous panos exteriores cunha malla comprendida entre 400-500 mm. e a do pano central entre 70-90 mm. Cada peza ten como dimensións máximas 50 m de longo e 2,50 m de alto.
- Horario de uso da arte: O horario de uso da arte poderá ser diúrno ou nocturno, excluíntes entre si.
No horario de traballo diúrno, o calamento do trasmallo poderá realizarse dúas horas antes do orto e levantarase como máximo dúas horas despois do ocaso, no horario nocturno, o calamento poderá realizarse dúas horas antes do ocaso e levantarase como máximo dúas horas despois do orto, debendo, en ambos os dous casos, transportarse ao porto coa embarcación.
- Descanso semanal: Non poderán quedar caladas nin permanecer no mar dende as 12 horas do venres as 12 horas do domingo .
- Número de pezas por embarcación:
 - *Tipos I e II:* 30 pezas
 - *Tipo III :* 65 pezas
 - *Tipo IV, V, VI e VII:* 90 pezas
- Impacto da arte sobre o medio: non se observa.
- Embarcacións: todas aquelas incluídas no censo da reserva que contén coa modalidade de “trasmallos” no seu permiso, ou ben que obteñan autorización para un cambio temporal para esta modalidade.

Xeito

- Características: arte de enmalle de deriva que está constituída por un pano rectangular estendido entre dúas trallas; a superior, que conta cun sistema de flotación por boías que permite un calado a profundidade variable, e a inferior que está lastrada con chumbos. Debe permanecer unido á embarcación mediante un cabo de lonxitude variable, quedando o outro extremo libre. A dimensión da malla estará comprendida entre 23 e 40 mm. A altura da arte non poderá exceder os 16 m. A lonxitude de cada peza non superará os 70 m, cunha lonxitude de 100 m co pano estirado.
- Período permitido de uso desta arte (2013): Dende o 1 de maio ao 30 de setembro.
- Horario de uso da arte: Das 12:00 horas do luns ás 12:00 horas do sábado.
- Descanso semanal: Das 12:00 horas do sábado ás 12:00 horas do luns. Como no ano 2013, a véspera de San Xoán coincide en domingo, poderase faenar o sábado 22 . Este día compensarase co descanso do luns 24 de xuño.
- Impacto da arte sobre o medio: non se observa.
- Embarcacións: todas aquelas incluídas no censo da reserva que contén coa modalidade de "xeito" no seu permiso.

Bicheiro ou gancho

- Características: arte de pesca que se utiliza para a captura de centola, consiste nun gancho con dous dentes provisto dunha vara que pode ter diferentes lonxitudes segundo a profundidade á que se traballe. A separación entre dentes, na parte máis estreita, varía entre 120 e 135 mm. Poderase empregar como elementos auxiliares espello e trueiro.
- Horario de uso: diúrno.
- Descanso semanal: Dende o ocaso do venres ata o orto do luns
- Impacto sobre o medio: mínimo.
- Embarcacións: todas aquelas incluídas no censo da reserva que contén coa modalidade de "bicheiro" no seu permiso. Só no suposto de que a embarcación estea rexistrada á modalidade de bicheiro e as condicións meteorolóxicas non sexan axeitadas para o emprego deste útil e non fose posible comunicar o cambio do rexistro antes das 10.00 horas, poderase alternar na mesma xornada o uso do bicheiro coa da nasa centola

Liña / cordel

- Características: constituído por un o varios anzois.
- Descanso semanal: Dende as 24:00 horas do venres ata as 24:00 do domingo
- Impacto da arte sobre o medio: mínimo.
- Embarcacións: todas aquelas incluídas no censo da reserva que contén coa arte de liña/cordel" no seu permiso, ou ben que obteñan autorización para un cambio temporal de modalidade para esta arte.
- Observacións: as embarcacións que rexistren actividade para esta modalidade estarán autorizadas a utilizar durante o período que permaneza rexistrado ata 10 nasas como máximo para a captura de cebo, (patexo, *Polybius henslowi*. patulate, *Liocarcinus depurator* e conguito, *Liocarcinus corrugatus*) . Os exemplares capturados serán para uso propio, non podendo ser destinados á vendas. As capturas accidentais doutras especies terán que ser devoltas ao mar.

Palangre de fondo

- Características: constituído por unha tralla, denominada madre, cunha lonxitude máxima de 5.000 m do que parten cabos máis finos, denominados brazoladas, ás que se empatan os anzois. O número máximo de anzois é de 2.000, tendo unha distancia mínima entre brazoladas de 2,50 m
- Descanso semanal: Dende as 24:00 horas do venres ata as 24:00 do domingo
- Impacto da arte sobre o medio: mínimo.
- Embarcacións: todas aquelas incluídas no censo da reserva que contén coa modalidade de "palangre de fondo" no seu permiso ou ben que obteñan autorización para un cambio temporal para esta modalidade.
- Observacións : as embarcacións que rexistren actividade para esta modalidade estarán autorizadas a utilizar durante o período que permaneza rexistrado ata 40 nasas como máximo para a captura de cebo, (patexo, *Polybius henslowi*. patulate, *Liocarcinus depurator* e conguito, *Liocarcinus corrugatus*) . Os exemplares capturados serán para uso propio, non podendo ser destinados á venda. As capturas accidentais doutras especies terán que ser devoltas ao mar.

Palangrillo

- Características: constituído por unha tralla denominada madre cunha lonxitude máxima de 4.000 m do que parten cabos máis finos, denominados brazoladas ás que se empatan os anzois. Cando o uso desta modalidade teña como obxectivo a captura de congro lastrarase con pesos para que quede apoiado no fondo.
- Descanso semanal: Dende as 16:00 horas do venres ata as 16:00 horas do domingo.
- Número de anzois por embarcación:
 - *Tipo I* : máximo de 1.000 anzois
 - *Tipo II* : máximo de 1.300 anzois
 - *Tipo III, IV, V, VI e VII*: máximo de 1.700 anzois
- Impacto da arte sobre o medio: mínimo.
- Embarcacións: todas aquelas incluídas no censo da reserva que contén coa modalidade de “palangrillo” no seu permiso. ou ben que obteñan autorización para un cambio temporal para esta modalidade.
- Observacións: as embarcacións que rexistren actividade para esta modalidade estarán autorizadas a utilizar durante o período que permaneza rexistrado ata 40 nasas como máximo para a captura de cebo, (patexo, *Polybius henslowi*. patulate, *Liocarcinus depurator* e conguito, *Liocarcinus corrugatus*) . Os exemplares capturados serán para uso propio, non podendo ser destinados á venda. As capturas accidentais doutras especies terán que ser devoltas ao mar.

Gancha a pé

- Características: arte de marisqueo a pé consistente nun raño de pequenas dimensións con lonxitude máxima dos dentes de 150 mm. e separación mínima entre varelas de 17 mm.
- Zona de uso: praias da Lagoa , lagoa de Carrofeito e praia de portocubelo.
- Persoas autorizadas para o seu uso: titulares de marisqueo a pé en vigor incluídas no censo da reserva.

Mergullo

Técnica utilizada para a captura de ourizo, longueirón e poliquetos.

- Características: mergullo en apnea (ata 10 metros de profundidade) e mergullo con subministro de aire dende superficie (ata 12 metros de profundidade e con tempos no fondo que non requiran descompresión).
- Embarcacións autorizadas: aquelas incluídas no censo da reserva que contan nos seus permisos de explotación coas modalidades de ourizo (Z5), longueirón (Z5) e poliquetos (Z5).
- Titulación dos participantes: todos os mergulladores terán que ter a tarxeta de mergullador en vigor para poder desenvolver a súa actividade no marco deste Plan de Xestión; de non ser así, serán excluídos da resolución de autorización mensual.
- Plan de seguridade: coa primeira solicitude para a autorización mensual deberá achegarse o plan de seguridade, ademais de indicar o nome do mergullador que exercerá como xefe de equipo.

2.3. MEDIDAS DE XESTIÓN

As medidas de xestión para as diferentes pesqueiras da Remip son as que se recollen neste epígrafe. No caso de non indicarse unha regulación específica, aplicarase o disposto na normativa xeral vixente.

2.3.1. Pesqueira da nécora (*Necora puber*)

2.3.1.1. Descrición da pesqueira.

A nécora é capturada coa mesma nasa que a empregada para a captura do polbo, pasando a ser a especie obxectivo cando estas nasas son largadas en zonas concretas preto da costa e en épocas determinadas do ano.

2.3.1.2. Regulación da pesqueira

- Tamaño mínimo: 5,5 cm. (Lonxitude do cefalotórax), medida sobre a linea mediana que vai dende o espazo interorbital ata o borde posterior do cefalotórax (LCT)
- Tope de captura: 50 individuos por tripulante enrolado e a bordo por día.
- Período de captura autorizado (2013): Coincidente co regulado por fora do ámbito da Remip.
- Arte/s de pesca: nasa pechada.
- Especies accesorias a esta pesqueira: polbo e camarón.

2.3.2. Pesqueira do camarón (*Palaemon serratus*)

2.3.2.1. Descrición da pesqueira

O camarón é capturado coa mesma nasa que a empregada para a captura do polbo e a nécora. Normalmente é unha especie accesorias das dúas pequeiras citadas anteriormente, podendo pasar a ser a especie obxectivo cando estas nasas son largadas nunhas zonas moi concretas preto da costa en épocas moi determinadas do ano.

2.3.2.2. Regulación da pesqueira

- Tamaño mínimo: 5 cm. (lonxitude total), medido dende o extremo distal “rostrum” ata o extremo posterior do “telson” excluindo as “setae”. En caso de que a regulamentación sobre tamaños mínimos estableza outra distinta e superior adaptarase ao disposto na norma.
- Período de captura autorizado (2013): Coincidente co do polbo.
- Arte/s de pesca: nasa pechada.

2.3.3. Pesqueira da centola (*Maja squinado*)

2.3.3.1. Descrición da pesqueira

Na pesqueira da centola empréganse diferentes artes e útiles tales como os miños,

trasmallos, as raeiras, a nasa centola e o bicheiro.

2.3.3.2. Regulación da pesqueira

- Tamaño mínimo: 13 cm (lonxitude do cefalotórax (LCT), medida sobre a liña mediana entre ambos "rostra" ata o borde posterior do cefalotórax
- Tope de captura: 30 individuos por tripulante enrolado e a bordo por día.
- Período de captura autorizado (2013): do 1 ao 4 de xaneiro; do 10 de febreiro ata o 28 de xuño; e do 8 ao 31 de decembro de 2013. Durante o mes de xuño non está permitida a captura de femias.
- Arte/s de pesca: nasa centola, miños, raeiras, trasmallos e bicheiro ou gancho
- Especies accesorias a esta pesqueira: raias (cando se traballe con raeiras ou miños), peixes de rocha e choco (cando se traballe con miños ou trasmallos) e nécora (con nasa de centola)

Independentemente do seu tamaño, queda prohibida a retención a bordo, transbordo, desembarco, transporte, almacenamento, venda, exposición ou comercialización das femias ovadas dos crustáceos. No caso de seren capturadas deberán ser devoltas inmediatamente ao mar. Exceptuaranse da prohibición anterior as femias ovadas da cigala, o cangrexo real, o camarón e o percebebe.

2.3.4. Pesqueira do polbo (*Octopus vulgaris*)

2.3.4.1. Regulación da pesqueira

- Peso mínimo: 1 kg
- Tope de captura e desembarco diario : Coincidente co regulado por fóra do ámbito da Remip.
- Período de captura autorizado (2013): Coincidente co regulado por fóra do ámbito da Remip.
- Arte/s de pesca: nasa pechada.
- Especies accesorias a esta pesqueira: nécora e camarón

2.3.5. Pesqueira do choco (*Sepia officinalis*)

2.3.5.1. Descrición da pesqueira

O choco péscase con artes de enmalle. En determinadas épocas do ano convértese en especie obxectivo ao largar os aparellos naquelas zonas onde é mais factible capturar este recurso.

2.3.5.2. Regulación da pesqueira

- Tamaño mínimo: 8 cm. Lonxitude dorsal do manto (LDM)
- Período de captura autorizado (2013): todo o ano
- Arte/s de pesca: miños e trasmallos

2.3.6. Pesqueira da raia (*Raja* spp.)

2.3.6.1. Descrición da pesqueira

A raia péscase con artes de enmalle, sendo especie obxectivo en determinadas épocas do ano especies accesorias varían dependendo da arte utilizada.

2.3.6.2. Regulación da pesqueira

- Tamaño mínimo: 40 cm.
- Período de captura autorizado (2013): todo o ano
- Arte/s de pesca: artes de enmalle
- Especies accesorias a esta pesqueira: centola, peixes de rocha e choco.

Esta pesqueira está supeditada ao disposto na normativa comunitaria sobre as variedades desta especie que estean prohibidas e que se publican nos regulamentos de TAC e cuotas a principios de ano.

2.3.7. Pesqueira dos peixes de rocha: sargo (*Diplodus sargus*), (*Diplodus vulgaris*) e maragota ou pinto (*Labrus bergylta*)

2.3.7.1. Descrición da pesqueira

Estes peixes péscanse con artes de enmalle e palangrillo, sendo especies obxectivo en determinadas épocas do ano. As especies accesorias varían dependendo da arte utilizada.

2.3.7.2. Regulación da pesqueira

- Tamaño mínimo: 22 cm para o sargo e 20 cm, para a maragota/pinto
- Período de captura autorizado (2013): todo o ano
- Arte/s de pesca: artes de enmalle e anzol
- Especies accesorias a esta pesqueira: centola e choco

2.3.8. Pesqueira de peixes demersais: faneca (*Trisopterus luscus*), pescada (*Meluccius merluccius*) e badeixo (*Pollachius pollachius*)

2.3.8.1. Descrición da pesqueira

Estes peixes péscanse con artes de enmalle e de anzol sendo as especies obxectivo en determinadas épocas do ano. As especies accesorias desta pesqueira varían dependendo da arte utilizada.

2.3.8.2. Regulación da pesqueira

- Tamaño mínimo: 30 cm para o badexo; 15 cm para a faneca e 27 cm para a pescada. No caso da faneca de producirse algún cambio na normativa xeral con respecto o seu tamaño mínimo adaptarémonos o disposto na norma xeral.
- Período de captura autorizado (2013): todo o ano

- Arte/s de pesca: artes de enmalle e anzol
- Especies accesorias a esta pesqueira: maragota

2.3.9. Pesqueira do congro (*Conger conger*)

2.3.9.1. Descrición da pesqueira

O congro captúrase na reserva con palangre de fondo e palangrillo, en épocas puntuais do ano, sobre todo durante a veda do polbo.

2.3.9.2. Regulación da pesqueira

- Tamaño mínimo: 58 cm
- Período de captura autorizado (2013): todo o ano
- Arte/s de pesca: palangre de fondo para congro e palangrillo
- Especies accesorias a esta pesqueira: maragota e pintos.

2.3.10. Pesqueira da sardiña (*Sardina pilchardus*)

2.3.10.1. Descrición da pesqueira

O xeito é unha arte de pesca que se utiliza só en épocas moi concretas.

2.3.10.2. Regulación da pesqueira

- Tamaño mínimo: 11 cm
- Período de captura autorizado (2013): do 1 de maio ao 30 de setembro
- Arte/s de pesca: xeito

2.3.11. Pesqueira do percebe (*Pollicipes pollicipes*)

2.3.11.1. Descrición da pesqueira

É unha extracción absolutamente selectiva porque o recurso a extraer é totalmente visible, o que permite realizar unha certa selección dos exemplares, tendo en conta que ao tratarse dunha especie que vive formando agregados, xunto cos exemplares de tamaño comercial se podan arrancar outros que carecen deste interese comercial. É unha especie que acada un elevado prezo de venda, sobre todo en épocas puntuais onde a súa cotización acada valores moi elevados.

2.3.11.2. Regulación da pesqueira

- Tamaño mínimo: 15 mm (DBC) no diámetro maior da base do capítulo medido a altura das placas inferiores (dende a base do rostro ata a base da carena). Cando se presente formando piñas, alomenos o 60% do peso da piña debera estar constituído por exemplares que acaden o tamaño mínimo.
- Embarcacións/habilitacións/permisos a pé
 - *Embarcacións/habilitacións:* 9/19

- *Permisos a pé*: 12 (Non se cubrirán as vacantes que se produzan durante o período de vixencia de este plan)
- Cotas máximas de captura diarias:
 - *Embarcación*: tope bruto 6 kg/habilitación enrolado e a bordo/día; tope neto: 5 kg/habilitación enrolado e a bordo/día. O establecemento de tope bruto e tope neto queda supeditado ao bo funcionamento do punto de control. O obxecto de establecer o tope bruto é para que se produza unha mellor selección dos exemplares en orixe.
 - *A pé*: 5 kg/percebeiro/día
- Período autorizado e días máximos: de xaneiro a decembro
 - *Embarcación*: 82 días
 - *A pé*: 40 días
- Arte: rasqueta cun ancho máximo de 3 cm e trueiro
- Horario de traballo: dende dúas horas e media antes ata dúas horas despois da baixamar diúrna, sen exceder das 18.00 horas.
- Zona de traballo:
 - *Embarcación*: zonas E (de CM-007 a CM-0013), F (de CM -014 a CM-021), G (de CM -003 a CM-006) e dende Lombo da Campa ata punta Insua (CM-011 e CM-012).
 - Zona E: baixos denominados Miñarzos, Seixo, Liboreiro, petón de Cabalar, pedra de Ardeleiro, punta de Prouso Rubio, laxiñas da Illa, As Roncadoras e Seixiño da Cruz.
 - Zona F: baixos denominados Coca, Corbeiro, Corniños, pedra Pas, laxa Mar de Lira, A Marsiosa, Mexilloeira, illa dos Carreiros e As Laxiñas.
 - Zona G: baixos denominados Forcados, petóns dos Forcados e illa de Angueiro.
 - *A pé*: zonas B (CM-022), C (CM-023), D (CM-024) e dende Lombo da Campa ata punta Insua (CM-025).
 - Zona B: de Maceiras (sur da praia de Carnota) á esquina do campo de fútbol.
 - Zona C: da esquina do campo de fútbol á O Curro.
 - Zona D: do Curro ata punta Raposeiros (Lombo da Campa).
- Punto de control: Cando sexa posible, o control realizarase no mar, nada mais saír das pedras.

2.3.12. Pesqueira do ourizo (*Paracentrotus lividus*)

2.3.12.1. Regulación da pesqueira

- Tamaño mínimo:
 - *Embarcación*: 55 mm. ao longo do diámetro da casca sen púas (DD)
 - *A pé*: 60 mm de diámetro
- Embarcacións/habilitacións/permisos a pé
 - *Embarcacións/mergulladores*: 9/24
 - *Permisos a pé*: 13 (Non se cubrirán as vacantes que se produzan durante o período de vixencia de este plan)
- Cotas máximas de captura diarias:
 - *Embarcación*: 100 kg/mergullador enrolado e a bordo/día, cun máximo de 300 kg/embarcación/día.
 - *A pé*: 30 kg/mariscadora/día
- Período autorizado e días máximos: de xaneiro a abril e de novembro a decembro.

Este período é coincidente co do plan de explotación conxunto da zona V

- *Embarcación*: 50 días

- *A pé*: 20 días

O número de días máximo solicitados neste plan de xestión para a modalidade de acceso dende embarcación e menor que o número de días máximo solicitados no plan de explotación conxunto da zona V (este plan de explotación e de acceso dende embarcación).

En ningún caso poderá estar autorizada a extracción para este recurso no ámbito da Remip se non está autorizada na zona V. Para evitar esta circunstancia pediranse as mesmas xornadas para ambas zonas.

Cando se anule unha xornada de extracción na zona V considerarase automaticamente anulada tamén no ámbito da Remip.

- Arte:
 - *Embarcación*: mergullo en apnea e con subministro de aire dende superficie
- Horario de traballo
 - *Embarcación*: de 8.00 horas a 15.00 horas de luns a venres en días laborales.
 - *A pé*: dende dúas horas e media antes ata dúas horas e media despois da baixamar diúrna sen exceder das 18.00 horas.
- Zona de traballo:
 - *Embarcación*: zonas 1, 2 e 3
 - Zona 1: “*Por dentro*”, que inclúe a zona de por terra dos Forcados, por terra da Laxa dos Forcados, A Fos, Pedra Pás, Corniños, punta do muelle, punta Rebordelo, Mar de Lira, Sesebe, Corveiro e Caixido.
 - Zona 2: “*Os baixos*”, que inclúe a zona de por fóra dos Forcados, Os Cubertos, Rama, Miñarcíño, As Olgas, Os Cachazos, Os Miñarzos, Libureiro, Angueiro e punta dos Remedios.
 - Zona 3: “*A costa*”, inclúe O Seixo, Punta Cabalar, O Cabezo de Figueiroa Ximprón, Ardeleiro e o Lombo da Campa.
 - *A pé*: zonas B(CM-022), C(CM-023), D(CM-024) e dende Lombo da Campa ata punta Insua(CM-025).
 - Zona B: de Maceiras (sur da praia de Carnota) á esquina do campo de fútbol.
 - Zona C: da esquina do campo de fútbol á O Curro.
 - Zona D: do Curro ata punta Raposeiros (Lombo da Campa).
- Punto de control: o punto de control está ubicado na rampa norte do peirao de Lira. Todas as embarcacións autorizadas para a extracción deste recurso no ámbito da reserva están obrigadas a pasar por este punto de control, independentemente de cal sexa o seu porto base.

2.3.13. Pesqueira do berberecho e da ameixa fina (*Cerastoderma edule*, *Ruditapes decussatus*).

2.3.13.1. Regulación da pesqueira

- Tamaño mínimo: as establecidas na normativa vixente sobre tamaños mínimos. Medirase o eixo maior ou anteroposterior (LAP)
- Número de permisos a pé: 23 (13 da confraría de Lira e 10 da confraría do Pindo). Non se cubrirán as posibles vacantes que se produzan durante o período de vixencia deste plan de xestión
- Cotas máximas de captura diarias:
 - *Berberecho*: 10 kg/mariscadora/día

- *Ameixa fina*: 2 kg/mariscadora/día

- Período autorizado e días máximos: de xaneiro a decembro, cun máximo de 12 días
- Arte: sachos, rastrillo e gancha a pé
- Horario de traballo: dende dúas horas e media antes ata dúas horas e media despois da baixamar diúrna, sen exceder das 18.00 horas.
- Zona de traballo: zona A (da boca do río a Maceiras), praia da Lagoa (CM-072), Lagoa de Carrofeito e praia de Portocubelo (CM-171).
- Punto de control: Lonxa de Lira.
- Observacións: na extracción de ameixa fina e berberecho traballan mariscadoras asociadas ás confrarías de Lira e do Pindo, ao igual que no plan conxunto específico para as zonas de libre marisqueo fóra do ámbito da Remip. Ambas agrupacións realizan traballos de vixilancia ao longo do ano sen embargo, as vixilancias nos bancos marisqueiros do ámbito da reserva serán realizadas por membros da agrupación de mariscadoras a pé da confraría de pescadores de Lira. Os días dedicados a esta actividade non computarán para a renovación do permiso de explotación. Sen embargo, os traballos de limpeza, rareos, traslados, sementeiras que se podan realizar ao longo do ano, segundo sexa necesario, serán realizados dentro do ámbito da Remip por todas as mariscadoras (Lira e O Pindo) e si computarán para a renovación do permiso.
Os responsables de levar o control da asistencia a estes traballos serán as presidentas das agrupacións. Cada unha de elas deberá controlar a os membros da agrupación que preside
Cunha antelación de non menos de 48 horas publicaranse nos taboleiros de anuncios de ambas confrarías as datas dos traballos, as mariscadoras convocadas para os mesmos, a praia onde se farán os traballos a hora e a zona do punto de control de asistencia.
Os días de realización dos traballos pasarán lista das asistentes, e entregaránselles a estas uns “tickets” ou xustificantes para que podan acreditar a participación na xornada de traballo. Ditos “tickets” serán nominais figurando a data do traballo.
O final entregarán nas correspondentes confrarías un listado cos días traballados e cas asistentes, a efecto de que os secretarios das confrarías podan certificar os mesmos, sempre segundo a información aportada por ambas presidentas que son as máximas responsables de ditos traballos.
Os certificados deberan contar co visto e prace das presidentas das agrupacións.

2.3.14. Pesqueira do longueirón (*Ensis siliqua*)

2.3.14.1. Regulación da pesqueira

- Tamaño mínimo: as establecidas na regulamentación sobre os tamaños mínimos
- Embarcacións/mergulladores : 9/25
- Cotas máximas de captura diarias: 20 kg/mergullador enrolado e a bordo/día
- Período autorizado e días máximos: 1 de abril o 30 de novembro, cun máximo de 60 días anuais.
- Arte: mergullo en apnea e con subministro de aire dende superficie.
A utilización de técnicas de mergullo para a extracción de recursos marisqueiros require a aprobación de un plan de seguridade por parte de capitánía marítima. Para poder cumprir os requisitos para a aprobación de estes plans de seguridade as diferentes embarcacións en ocasións deben formar equipos, no caso da modalidade de subministro con aire dende superficie, no caso da apnea isto non é necesario. O formar estes equipos implica que varias embarcacións deberan estar traballando na mesma zona o mesmo tempo. En ocasións isto non é posible xa que algunha das embarcacións do equipo pode querer traballar en outra zona, ou

non saír o mar nesa xornada por diferentes motivos como pode ser unha baixa. Está circunstancia provocaría que a outra ou as outras embarcacións do equipo tiveran que perder o día, para que isto non suceda soen presentar dous plans de seguridade, un para subministro de aire dende superficie e outro para apnea, que é menos esixente. Tamén hai embarcacións que non desexan formar estes equipos e polo tanto non teñen aprobados plans de seguridade con subministro de aire pero si plans de seguridade en apnea. Por eso mantemos ambas modalidades.

Debemos ter en conta que neste plan so se inclúe un banco, pero a maior parte das embarcacións autorizadas para traballar o longueirón no ámbito da Remip tamén están incluídas no plan da zona V, polo que teñen moitos máis bancos

- Horario de traballo: Das 08:00 horas a 14:00 horas de luns a venres en días laborais.
- Zona de traballo: praia de Carnota (CM-059)
- Punto de control: o punto de control está situado na rampa norte do peirao de Lira. Todas as embarcacións autorizadas para a extracción deste recurso no ámbito da reserva están obrigadas a pasar por este punto de control, independentemente de cal sexa o seu porto base.

2.3.15. Pesqueira da lapa (*Patella spp.*)

2.3.15.1. Regulación da pesqueira

- Tamaño mínimo: O establecido na normativa vixente sobre tamaños mínimos. Medirase a lonxitude no seu eixo maior (LEM)
- Nº permisos a pé : 5
Non se cubrirán as vacantes que se podan producir durante o período de vixencia de este plan
- Cotas máximas de captura diarias: 20 kg/mariscadora/día
- Período autorizado e días máximos: todo o ano, cun máximo de 20 días de extracción
- Arte: coitelo
- Horario de traballo: dende 2 horas e media antes ata 2 horas e media despois da baixamar diúrna, sen exceder das 18:00 horas.
- Zonas de traballo: zonas B(CM-241), C(CM-242), D(CM-243) e dende Lombo da Campa ata punta Insua(CM-240).
 - Zona B: de Maceiras (sur da praia de Carnota) á esquina do campo de fútbol..
 - Zona C: da esquina do campo de fútbol á O Curro .
 - Zona D: do Curro ata punta Raposeiros (Lombo da Campa)
- Punto de control: lonxa de Lira.

2.3.16. Pesqueira da mexilla (semente de *Mytillus galloprovincialis*)

2.3.16.1. Regulación da pesqueira

- Embarcacións/habilitacións/permisos a pé :
 - *Embarcacións/habilitacións:* 9/19
 - *Permisos a pé:* 13
 Non se cubrirán as vacantes que se produzan durante o período de vixencia de este plan
- Cotas máximas de captura diarias: O tope de captura virá marcado polo número de bateas coas que se asine convenio para abastecelas e ata un máximo de 3.500 kg

- por batea.
- Período autorizado e días máximos: de xaneiro a abril e decembro, cun máximo de 70 días para ambas modalidades de extracción
 - Arte: rasqueta
 - Horario de traballo: dende 2 horas e media antes ata 2 horas e media despois da baixamar diúrna, sen exceder das 18:00 horas. Darase un marxe de unha hora a maiores para poder transportar os sacos de mexilla.
 - Zona de traballo:
 - *Embarcación*: zonas E, F, G e dende Lombo da Campa ata punta Insua.
 - Zona E: baixos denominados Miñarzos, Seixo, Liboreiro, petón de Cabalar, pedra de Ardeleiro, punta de Prouso Rubio, laxiñas da Illa, As Roncadoras e Seixiño da Cruz.
 - Zona F: baixos denominados Coca, Corbeiro, Corniños, pedra Pas, laxa Mar de Lira, A Marsiosa, Mexilloeira, illa dos Carreiros e As Laxiñas.
 - Zona G: baixos denominados Forcados, petóns dos Forcados e illa de Angueiro.
 - *A pé*: zonas B, C, D e dende Lombo da Campa ata punta Insua.
 - Zona B: de Maceiras (sur da praia de Carnota) á esquina do campo de fútbol.
 - Zona C: da esquina do campo de fútbol á O Curro.
 - Zona D: do Curro ata punta Raposeiros (Lombo da Campa).
 - Punto de control: o punto de control está ubicado na rampa norte do peirao de Lira.
 - Observacións: a extracción da mexilla será realizada polas embarcacións que contén coa modalidade de "percebe" no seu permiso de explotación ou ben polas persoas que estean en posesión dun permiso de explotación a pé. En ambos os dous casos deberán estar inscritos no censo da Remip e que existan acordos de colaboración entre a confraría de Lira e os concesionarios de bateas ou liñas para o cultivo de mexillón. Para un mellor control da actividade as embarcacións deberán rexistrar a súa actividade telematicamente no apartado de adhesión a un plan "EXTRACCIÓN MEXILLA-REMIP OS MIÑARZOS (2013)".

2.3.17. Pesqueira de poliquetos (*Lumbrinereis impatiens*, *Hediste diversicolor*, *Arenicola marina*)

2.3.17.1. Regulación da pesqueira

- Embarcacións/mergulladores/permisos a pé :
 - *Embarcacións/habilitacións*: 3/6 * (observacións)
 - *Permisos a pé*: 6

Non se cubrirán as vacantes que se produzan durante o período de vixencia de este plan
- Cotas máximas de captura diarias:
 - *Embarcacións/mergulladores*: 800 individuos/mergullador enrolado a bordo/día
 - *Permisos a pé*: 800 individuos/mariscadora/día
- Período autorizado e días máximos: Todo o ano, cun máximo de:
 - *Embarcacións/mergulladores*: 70 días
 - *Permisos a pé*: 100 días.
- Arte: mergullo en apnea e con subministro de aire dende superficie e a pé
- Horario de traballo
 - *Embarcación*: de 08.00 horas a 14.00 horas de luns a venres en días laborais
 - *A pé*: dende dúas horas e media antes ata dúas horas e media despois da baixamar diúrna sen exceder das 18.00 horas.

- Zona de traballo: zonas A, B, C, D e dende Lombo da Campa ata punta Insua.
 - Zona A: da boca do río a Maceiras, praia da Lagoa e lagoa de Carrofeito..
 - Zona B: de Maceiras (sur da praia de Carnota) á esquina do campo de fútbol. (Nesta zona inclúese a Praia de Portocubelo)
 - Zona C: da esquina do campo de fútbol á O Curro.
 - Zona D: do Curro ata punta Raposeiros (Lombo da Campa).
- Punto de control: lonxa de Lira.
- Observacións : * Unha das embarcacións presenta un problema administrativo en tramite de solución, por dito problema a embarcación LOS PEPES UNO perdeu o permex, e polo tanto non debería figurar neste plan coma embarcación autorizada. Sen embargo parece que dito tramite pode ser solucionado (esta en vías de solución) co que recuperaría o permex.
Sóno caso de que dita embarcación LOS PEPES UNO, non consiga recuperar o permex solicitaríase que se cubrira a vacante deixada pola anteriormente citada embarcación no plan.

TÁBOA 1: Resumo das medidas de xestión para os recursos pesqueiros capturados na reserva

Especie-Recurso	Periodo Autorizado	Cotas máximas de captura/día	Talla mínima
Nécora	Coincidente co regulado por fora do ámbito da Remip.	50 ud/tripulante/día	5,5 cm.
Camarón	Coincidente co do polbo	-	5 cm.
Centola	1-4 de xaneiro 10 febreiro ata 28 de xuño 8-31 decembro	30 ud/tripulante/día	13 cm.
Polbo	Coincidente co regulado por fora do ámbito da Remip	Coincidente co regulado por fora do ámbito da Remip	1 kg.
Choco	Todo o ano	-	8 cm.
Raia	Todo o ano. (<i>Supeditada ao disposto pola normativa comunitaria sobre as variedades desta especie que estean prohibidas</i>)	-	40 cm.
Sargo	Todo o ano	-	22 cm.
Maragota/Pinto	Todo o ano	-	20 cm.
Faneca	Todo o ano	-	20 cm.
Pescada	Todo o ano	-	27 cm.
Abadexo	Todo o ano	-	30 cm.
Congro	Todo o ano	-	58 cm.
Sardiña	1 de abril – 30 setembro	-	11 cm.

TÁBOA 2: Resumo das medidas de xestión para os recursos marisqueiros capturados na reserva

Recursos	Modalidade	Nº embarcacións	Nº mariscadores Nº tripulantes Nº mergulladores	Nº días de extracción	Tope diario/ mariscador	Talla mínima
Percebe	A pé	-	12	40	5 Kg	15 mm.
	Embarcación	9	19	82	5 Kg	
Ourizo	A pé	-	13	20	30 Kg	60 mm
	Embarcación	9	24	50	100 Kg. (Máx. 300 kg embarcación)	55 mm
Berberecho	A pé	-	25	12	10 Kg	O establecido na normativa vixente
Ameixa fina	A pé	-	25	12	2 Kg	O establecido na normativa vixente
Longueirón	Embarcación	9	25	60	20 Kg	100 mm
Mexilla	A pé	-	13	70	*	-
	Embarcación	9	19			
Lapa	A pé	-	5	25	20 Kg	20 mm
Poliquetos	A pé	-	6	100	800 ud/mariscador	-
	Embarcación	3	6	70		

(*) As establecidas segundo os diferentes convenios asinados entre as confrarías e os concesionarios de bateas ou liñas de cultivo, e ata un máximo de 3.500 Kg por batea, sempre e cando o estado do recurso o permita.

3. AS MEDIDAS DE CONTROL NA RESERVA

3.1. O control das entradas e saídas

As actividades pesqueiras e marisqueiras permitidas no ámbito da reserva poden desenvolverse nunha mesma xornada de traballo dentro ou fóra dos seus límites, por iso establécese un protocolo de control para a entrada e saída da zona da reserva a fin de ter constancia do esforzo realizado.

Para facilitar as labores de seguimento e control da actividade pesqueira e/ou marisqueira, os armadores das embarcacións inscritas no censo deberán permitir a instalación nas embarcacións de dispositivos electrónicos para o seguimento da frota. Mentres non se dispoña do sistema de seguimento, as embarcacións, calquera que sexa o seu porto base, que se dispoñan a entrar no ámbito da reserva teñen que comunicar cos responsables do control (por VHF ou teléfono) para transmitirle a seguinte información:

- Nome da embarcación.
- Hora de entrada;
- Zona de acceso á reserva e/ou situación xeográfica;
- De ser o caso, as capturas efectuadas noutras zonas de pesca coas que entra na reserva.

No caso de que se dispoñan a saír dos límites da reserva, os datos que teñen que comunicar son:

- Nome da embarcación.
- Hora de saída;
- Zona de saída da reserva e/ou situación xeográfica;
- Número de artes que deixan caladas e de ser o caso, as capturas efectuadas no ámbito da reserva.

Os profesionais que realizan a súa actividade a pé, e que entren ou saian do ámbito da reserva deberán declarar as capturas, tanto as de fóra como as de dentro, no punto de control establecido.

3.2. O control das descargas

O elemento clave do seguimento dos desembarques é o establecemento dun **punto de control** para a recompilación de datos fiables sobre o estado dos recursos e comprobar o cumprimento das medidas de xestión vixentes nas augas da reserva e, noutro caso, as establecidas pola normativa xeral: pesaxe de todas as capturas, topes fixados, tallas mínimas, exemplares ovados,... Para isto, no punto de control o persoal encargado do seguimento técnico biolóxico recompilará información adicional, pero imprescindible para coñecer o esforzo pesqueiro que realmente se está aplicando: número de caceas, zonas de largado, tempo de permanencia no mar, ... Toda esta información é fundamental para que o equipo de seguimento científico da reserva poida analizar e valorar a influencia das medidas de ordenación e xestión sobre os recursos pesqueiro e marisqueiros, e servirá de base á hora de elaborar os informes técnicos que se remitirán ao Oxesco para, no seu momento, propoñer novas medidas

e/ou modificacións das xa existentes.

Nos informes do seguimento científico da reserva non figurará información de xeito nominal, polo que non se incluírán nomes de embarcacións ou de mariscadoras.

3.3. O protocolo do punto de control

O punto de control establécese na lonxa do peirao de Portocubelo, para todas as especies, excepto para o ourizo, a mexilla e o longueirón que estará na rampa norte do porto de Lira.

Todas as embarcacións que descarguen as súas capturas no porto de Lira pasarán polo punto de control establecido na lonxa do peirao de Portocubelo.

No caso do ourizo, a mexilla e o longueirón o punto de control será obrigatoriamente na rampa norte do porto de Lira, independentemente de cal sexa o porto base da embarcación.

No caso do percebe dende embarcación, cando sexa posible o control farase nas propias zonas de extracción ou no mar. En caso de non ser posible, o control farase no punto establecido.

Os profesionais que realizan a súa actividade a pé, e que entren ou saian do ámbito da reserva deberán declarar as capturas, tanto as de fóra como as de dentro, no punto de control establecido.

Ademais de todo o anterior, todas as embarcacións do censo estarán sometidas a controis esporádicos e aleatorios no mar por parte do servizo de vixilancia da reserva.

Os responsables do punto de control será o persoal asinado a vixilancia da reserva mariña.



Relación de embarcacións do censo e artes de pesca artesanais

	Porto base	Embarcación	Matricula e folio	Artes permitidas no ámbito da Remip			
				ANZOL	ENMALLE	NASAS	BICHEIRO
1	Camelle	Nueva Giralda	3ª-CO-4-5-04		Miños	Nasa polbo	
2	Corcubión	Cabal	3ª-VILL-1-12-91	Liña ou cordel	Betas	Nasa polbo, Nasa nécora	
3	Corcubión	Illa Lobeira	3ª-CO-5-1-95		Betas, Miños	Nasa polbo, Nasa nécora	
4	Corcubión	Javi	3ª-CO-5-2029			Nasa polbo, Nasa nécora	
5	Corcubión	Luz Mar M	3ª-CO-5-1-04	Palangrillo	Betas, Miños	Nasa polbo, Nasa nécora	
6	Corcubión	Madre Amelia	3ª-CO-5-4-98	Palangrillo	Betas, Trasmallos	Nasa polbo	
7	Corcubión	Segundo Brisa	3ª-CO-5-1-11		Betas, Miños, Xeito		
8	Corcubión	Segundo Toro	3ª-CO-5-2-02		Betas, Miños	Nasa polbo, Nasa nécora	
9	Fisterra	Brinca	3ª-VILL-3-9439	Liña ou cordel, Palangrillo		Nasa camarón	
10	Fisterra	Concha P	3ª-VILL-2-4799	Liña ou cordel, Palangrillo		Nasa nécora	
11	Fisterra	Fernando	3ª-CO-4-1088	Palangrillo		Nasa polbo	
12	Fisterra	Garea	3ª-VI-1-6-99		Betas, Trasmallos, Xeito	Nasa polbo	
13	Fisterra	Laberco	3ª-VILL-2-4900		Betas, Miños	Nasa polbo	
14	Fisterra	Praia do Rostro	3ª-CO-2-11-05	Palangrillo	Betas, Miños, Trasmallos	Nasa polbo	
15	Fisterra	Salseiro	3ª-CO-5-1997	Liña ou cordel		Nasa polbo	
16	Fisterra	Sepia C	3ª-CO-5-3-07	Palangrillo	Miños, Trasmallos	Nasa polbo, Nasa nécora	
17	Fisterra	Suárez	3ª-CO-5-1986	Liña ou cordel, Palangrillo	Trasmallos	Nasa polbo	
18	Fisterra	Temerario	3ª-CO-5-8-91		Betas, Miños	Nasa polbo	
19	Fisterra	Tres Hermanos	3ª-CO-4-983		Betas	Nasa polbo, Nasa nécora	
20	Lira	Ahí Va	3ª-CO-5-1246			Nasa polbo, Nasa nécora	bicheiro
21	Lira	Bajeriñas de Nylon	3ª-CO-4-4-05			Nasa camarón, Nasa polbo	
22	Lira	Benigno	3ª-CO-5-1931	Liña ou cordel		Nasa camarón, Nasa polbo	bicheiro
23	Lira	Dichoso	3ª-CO-6-2-97		Betas, Miños	Nasa polbo	



	Porto base	Embarcación	Matricula e folio	Artes permitidas no ámbito da Remip			
24	Lira	Dosil	3ª-CO-5-1910			Nasa polbo	bicheiro
25	Lira	Eva	3ª-VI-4-5539	Palangrillo	Betas, Xeito	Nasa polbo	
26	Lira	Graciela	3ª-CO-5-1996	Liña ou cordel		Nasa polbo, Nasa nécora	bicheiro
27	Lira	Juan Manuel	3ª-CO-6-2197			Nasa polbo, Nasa nécora	bicheiro
28	Lira	Los Pepes Uno	3ª-CO-6-1-04	Liña ou cordel	Xeito	Nasa polbo	
29	Lira	Mari Nieves	3ª-CO-5-2-95	Liña ou cordel	Betas, Miños, Trasmallos	Nasa polbo	
30	Lira	Mupa	3ª-VILL-2-4337	Palangrillo	Miños	Nasa camarón, Nasa polbo	bicheiro
31	Lira	Nueva Pilar	3ª-CO-6-1-91		Betas, Miños, Trasmallos	Nasa polbo	
32	Lira	O Cuacho	3ª-CO-6-1-05		Betas, Miños	Nasa polbo, Nasa nécora	
33	Lira	O Mariñeiro	3ª-CO-6-2-91		Miños	Nasa polbo, Nasa nécora	bicheiro
34	Lira	O Seixo	3ª-CO-6-2-09		Betas, Xeito, Miños	Nasa polbo, Nasa nécora	
35	Lira	P.A.	3ª-VILL-3-9723			Nasa polbo, Nasa nécora	bicheiro
36	Lira	Pedras de Area	3ª-CO-5-2-96		Betas, Miños	Nasa polbo, Nasa nécora	
37	Lira	Pepita Consuelo	3ª-CO-4-617		Trasmallos	Nasa polbo	
38	Lira	Porto Alegre	3ª-CO-7-3515	Liña ou cordel,		Nasa camarón, Nasa polbo	bicheiro
39	Lira	Punta Caldebarcos	3ª-CO-6-1-99		Betas, Miños, Trasmallos	Nasa polbo, Nasa nécora	
40	Lira	Punta dos Remedios	3ª-CO-6-7-05		Betas, Miños, Xeito	Nasa polbo	
41	Lira	Sarita	3ª-CO-4-1818	Palangrillo		Nasa polbo	
42	Lira	Segundo San Martín	3ª-VILL-3-9184		Miños	Nasa polbo, Nasa nécora	bicheiro
43	Lira	Tres Gritos	3ª-CO-5-1926	Palangrillo		Nasa camarón, Nasa polbo	
44	Lira	Tres Hermanas	3ª-CO-4-872			Nasa polbo	bicheiro
45	Lira	Tres Hermanos	3ª-CO-6-2095	Liña ou cordel			bicheiro
46	Muros	Chopas	3ª-CO-6-2-04	Palangrillo	Betas, Miños	Nasa polbo	
47	Muros	Jaimito	3ª-CO-7-2246	Liña ou cordel	Betas, Miños, Xeito		
48	Muros	Juana del Mar	3ª-CO-6-3-97		Betas, Miños, Xeito	Nasa polbo	
49	Muros	María Rosa Dos	3ª-CO-6-3-94		Betas	Nasa polbo	
50	Muros	Nuevo Perla	3ª-CO-6-1-93		Betas, Miños	Nasa polbo, Nasa nécora	
51	Muros	O Mariñeiro dous	3ª-CO-6-2-99		Betas, Miños, Trasmallos	Nasa polbo, Nasa nécora	



	Porto base	Embarcación	Matricula e folio	Artes permitidas no ámbito da Remip			
52	Muros	Odala	3ª-CO-6-6-05	Palangrillo	Betas, Miños, Xeito	Nasa polbo	
53	Muxía	Costa Nova	3ª-CO-4-2-06	Liña ou cordel, Palangrillo	Trasmallos	Nasa polbo, Nasa nécora	
54	Noia	Bismarck Un	3ª-CO-7-3-03		Betas, Miños, Trasmallos		
55	Noia	Elenita Dos	3ª-CO-7-5-94		Betas, Miños, Trasmallos		
56	Noia	Mar de Dios	3ª-CO-7-6-05		Betas, Miños, Trasmallos	Nasa polbo	
57	Noia	Nuevo Verte	3ª-CO-7-2-00		Betas, Miños, Trasmallos	Nasa polbo	
58	Noia	Virgen del Mar	3ª-VILL-4-1222		Betas, Trasmallos	Nasa polbo, Nasa nécora	
59	O Pindo	Sonai	3ª-VI-3-8-95		Miños, Xeito	Nasa polbo, Nasa nécora	
60	O Pindo	Virxe do Carme	3ª-CO-5-1-96		Betas, Miños, Trasmallos	Nasa polbo	
61	Ribeira	Xalba	3ª-VILL-1-1-02	Palangrillo	Miños	Nasa polbo, Nasa nécora	

Relación de embarcacións habilitadas para a explotación de percebe

CONFRARÍA	EMBARCACIÓN	MATRICULA	NºHABILITACIONES
LIRA	DOSIL	CO-5-1910	2
LIRA	TRES HERMANOS	CO-6-2095	2
LIRA	O MARIÑEIRO	CO-6-291	2
LIRA	TRES HERMANAS	CO-4-872	2
LIRA	BENIGNO	CO-5-1931	2
LIRA	O CUACHO	CO-6-1-05	2
LIRA	GRACIELA	CO-5-1996	2
LIRA	EVA	VI-4-5539	2
LIRA	LOS PEPES UNO	CO-6-1-04	3

Relación de titulares de permisos de explotación a pé para o percebe

CONFRARIA	Nº DE PERMEX
LIRA	15 C32 00229 Z5
LIRA	15 C32 00209 Z5
LIRA	15 C32 00218 Z5
LIRA	15 C32 00222 Z5
LIRA	15 C32 00243 Z5
LIRA	15 C32 00249 Z5
LIRA	15 C32 00247 Z5
LIRA	15 C32 00257 Z5
LIRA	15 C32 00246 Z5
LIRA	15 C32 00248 Z5
LIRA	15 C32 00213 Z5
LIRA	15 C32 00256 Z5

Relación de embarcacións e mergulladores habilitados para a explotación de ourizo

CONFRARÍA	EMBARCACIÓN	MATRICULA	TRIPULANTES ENROLADOS
LIRA	PEPITA CONSUELO	CO-4-617	2
LIRA	BAJERIÑAS DE NYLON	CO-4-4-05	2
CAMELLE	NUEVA GIRALDA	CO-4-5-04	2
CORCUBION	SEGUNDO BRISA	CO-5-1-11	2
FISTERRA	SALSEIRO	CO-5-1997	3

CONFRARÍA	EMBARCACIÓN	MATRICULA	TRIPULANTES ENROLADOS
LIRA	LOS PEPES UNO	CO-6-1-04	3
FISTERRA	FERNANDO	CO-4-1088	3
FISTERRA	BRINCA	VILL-3-9439	3
CORCUBION	JAVI	CO-5-2029	4

Relación de embarcacións e mergulladores habilitados para a explotación de longueirón

CONFRARÍA	EMBARCACIÓN	MATRÍCULA	MERGULLADORES ENROLADOS
FISTERRA	BRINCA	VILL-3-9439	3
CORCUBION	SEGUNDO BRISA	CO-5-1-11	2
FISTERRA	FERNANDO	CO-4-1088	3
CORCUBIÓN	JAVI	CO-5-2029	4
FISTERRA	SALSEIRO	CO-5-1997	3
FISTERRA	TRES HERMANOS	CO-4-983	3
LIRA	BAJERIÑAS DE NYLON	CO-4-4-05	3
CAMELLE	NUEVA GIRALDA	CO-4-5-04	2
LIRA	JUAN MANUEL	CO-6-21-97	2

Relación de embarcacións habilitadas para a explotación de poliquetos

CONFRARÍA	EMBARCACIÓN	MATRICULA	MERGULLADORES ENROLADOS
LIRA	PEPITA CONSUELO	CO-4-0617	2
LIRA	BAJERÍÑAS DE NYLON	CO-4-4-05	2
LIRA	LOS PEPES UNO	CO-6-1-04	2

Relación de titulares de permisos de explotación a pé autorizados para a extracción de poliquetos

CONFRARIA	Nº DE PERMEX
LIRA	15 C32 00254 Z5
LIRA	15 C32 00012 Z5
LIRA	15 C32 00244 Z5
LIRA	15 C32 99987 Z5
LIRA	15 C32 00245 Z5
LIRA	15 C32 99986 Z5

Relación de titulares de permisos de explotación a pé autorizados para a extracción de lapa

CONFRARIA	Nº DE PERMEX
LIRA	15 C32 00012 Z5
LIRA	15 C32 00244 Z5
LIRA	15 C32 99987 Z5
CONFRARIA	Nº DE PERMEX

LIRA	15 C32 00245 Z5
LIRA	15 C32 99986 Z5

Relación de titulares de marisqueo a pé da confraría de Lira

CONFRARIA	Nº DE PERMEX
LIRA	15 C32 00195 Z5
LIRA	15 C32 00047 Z5
LIRA	15 C32 00001 Z5
LIRA	15 C32 00012 Z5
LIRA	15 C32 00203 Z5
LIRA	15 C32 00244 Z5
LIRA	15 C32 99989 Z5
LIRA	15 C32 99987 Z5
LIRA	15 C32 00255 Z5
LIRA	15 C32 00245 Z5
LIRA	15 C32 99986 Z5
LIRA	15 C32 00200 Z5
LIRA	15 C32 00028 Z5



Relación de titulares de marisqueo a pé da confraría do Pindo

CONFRARIA	Nº DE PERMEX
O PINDO	15 C31 00054 Z5
O PINDO	15 C31 00046 Z5
O PINDO	15 C31 00003 Z5
O PINDO	15 C31 99996 Z5
O PINDO	15 C31 00041 Z5
O PINDO	15 C31 00008 Z5
O PINDO	15 C31 00016 Z5
O PINDO	15 C31 00015 Z5
O PINDO	15 C31 00040 Z5
O PINDO	15 C31 00022 Z5